



Comunu de Bauladu
Comune di Bauladu

VERBALE DE DELIBERATZIONE DE SU CUSSIGIU COMUNALE

NÙMERU 34 DE SU 25/11/2019

OGETU:	APROVATZIONE DE SA VARIANTE NR. 2 DE SU PROGRAMMA TRIENNALE DE IS TRABALLOS PÙBLICOS 2019/2021 E DE S'ELENCU ANNUALE DE IS TRABALLOS PRO SU 2019
---------------	---

S'annu duamigiadeghennoe, in die bintichimbe, de su mese de santandria, a is 7 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione ordinària e pùblica, de prima cunvocatzione, su Cussìgiu Comunale in is persones de is Sennores:

Davide Corriga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	P	Anna Matzutzi	A
Elia Zucca	P	Rita Soru	P
Carmine Consolo	P	Martina Atza	P

Cussigeris chi pigant parte: nr. 9

Cussigeris ausentes: nr. 1

Partètzipat a sa reunione sa Segretària, Dott.ssa Donatella Mancosu.

Su Sìndigu Dott. Davide Corriga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, decrarat aberta sa reunione.

SU CUSSIGIÙ COMUNALE

Premìtidu chi:

- s'art. 21 de su D.Lgs. n. 50/2016 "*Programma de is achirimentos de is istatziones apaltantes*" previdet chi is amministratziones agiudicadoras adotent su programma triennale de is traballos pùblicos de importu istimadu pari o superiore a 100.000 €, e puru is relativos agiornamentos anuales, in su respetu de is documentos programmadores, in coerèntzia cun su bilantzu e is normas chi pertocant sa programatzione econòmicu-finanziària;

Bidu chi, pro su comma 8, de s'art. 21, de su D.Lgs. n. 50/2016 su Ministru de is infrastruturas e de is trasportos, de cuntzertu cun su Ministru de s'economia e de is finànzias, at adotadu su decretu n. 14/2018 "*Regulamentu de is protzeduras e modellos de ischema pro sa redatzione e sa publicatzione de su programma triennale de is traballos pùblicos, de su programma biennale pro s'achirimentu de fruniduras e servitziis e de is relativos elencos anuales e agiornamentos anuales*";

Postu chi s'art. 5 de su Decretu mentovadu disponet s'adotzione de s'ischema de su programma triennale e de s'elencu annuale de is traballos pùblicos propostu dae su Referente responsàbile de su programma, su chi depet èssere publicadu in su profilu mandatàriu e s'in casu postu in consultatzione a su fine de retzire osservatzione intro 30 dies dae sa publicatzione sua;

Pigadu àutu chi cun decretu de su Sìndigu n. 6 de su 01.07.2019 est istadu nominadu comente a Responsàbile de su servitziu tècnicu s'Ing. Gabriella Contu e chi, in farta de àutu ispetzìficu chi nòminet unu referente de sa programatzione triennale de is traballos, programatzione biennale de is achistos de benes e servitziis e de is relativos agiornamentos anuales, tale còmputu est diretu dae issa etotu;

Pigadu àutu chi in data 24/07/2019 est istadu aparadu dae s'Ing. Gabriella Contu in calidade de Referente responsàbile de su programma, s'ischema de sa variante n. 1 a su programma triennale de is traballos pùblicos 2019 - 2021 e de s'elencu annuale de is traballos pùblicos 2019;

Fatu riferimentu a sa deliberatzione de Cussìgiu Comunale n. 41 de su 27.12.2018 chi tenet a ogetu: "Aprovatzione de su Bilantzu de Previsione Finanziàriu 2019/2021 e allegados relativos e sa deliberatzione de Giunta Munitzipale n. 102 de su 31.12.2018 relativa a s'aprovatzione de su Pranu Operativu de Gestione triènniu

2019/2021;

Cunsideradu chi in su DUP aprovadu comente a subra non fiant prevididas, pro is annualidades 2019-2021, òperas de preju superiore a € 100.000,00;

Fatu riferimentu a sa deliberatzione de sa Giunta Comunale n. 65 de su 24 /07/2019 cun sa chi est istadu adotadu lo ischema de sa variante n. 1 de su programma triennale de is traballos pùblicos 2019 - 2021 e de s'elencu annuale de is traballos pùblicos 2019;

Fatu riferimentu a sa deliberatzione de su Cussìgiu Comunale n. 26 de su 12 /08/2019 cun sa chi est istadu aprovadu s'ischema de sa variante n. 1 a su programma triennale de is traballos pùblicos 2019 - 2021 e as'elencu annuale de is traballos pùblicos 2019;

Bida sa deliberatzione de sa Giunta Comunale n. 102 de su 25/11/2019 cun sa cale est istadu adotadu s'ischema de sa variante nr. 2 de su programma triennale de is traballos pùblicos 2019 - 2021 e de s'elencu annuale de is traballos pùblicos 2019;

Cunsideradu chi tocat de sighire cun s'aprovatzione de sa variante n. 2 de su programma triennale de is traballos pùblicos 2019 - 2021 e de s'elencu annuale de is traballos pùblicos 2019 ispetzificamente de is àutos in fatu:

- Cuadru de is risursas netzessàrias a sa realizatzione de su programma (ischeda A);
- Elencu de is òperas non cumpridas (ischeda B);
- Elencu de is fràigos disponìbiles (ischeda C);
- Elencu de is interventos de su programma (Ischeda D);
- Interventos includidos in s'elencu annuale (Ischeda E);
- Elencu de is interventos presentes in s'elencu annuale de su programma triennale pretzedente e non torrados a propònnere e no inghitzados (Ischeda F);

Retentu duncas oportunu sighire cun s'aprovatzione de sa variante n. 2 de su programma triennale de is traballos pùblicos 2019 - 2021, e de s'elencu annuale de is traballos pùblicos 2019 e is relativas tabellas prevididas dae su D.M. MIT n. 14/2018, comente a partes integrantes e sustantziales de su provedimentu presente;

Bidos is pàrreres in favore in òrdine a sa regularidade tècnica e contàbile in sa proposta de deliberatzione espressados pro s'art. 49 de su D.Lgs. n. 267/2000 e cambiamentos imbenientes e integratziones de pare a pare de sa Responsàbile de su Servìtziu Tècnicu e de sa Responsàbile de su Servìtziu finantziàriu;

Atzertada sa regularidade e sa curretesa de su protzedimentu intreu;

DELÌBERAT

- 1) De aprovare sa variante nr. 2 a su programma triennale de is traballos pùblicos 2019/2021 e a s'elencu annuale 2019 e puru is àutos in fatu (in allegadu) chi sunt parte integrante e sustantziale de sa deliberatzione presente:
 - Cuadru de is risursas netzessàrias a sa realizatzione de su programma (ischeda A);
 - Elencu de is òperas non cumpridas (ischeda B);
 - Elencu de is immòbiles disponìbiles (ischeda C);
 - Elencu de is interventos de su programma (Ischeda D);
 - Interventos includidos in s'elencu annuale (Ischeda E);
 - Elencu de is interventos presentes in s'elencu annuale de su programma triennale pretzedente e non torrados a propònnere e no inghitzados (Ischeda F).
- 2) de si riservare de annàghere aggiornamentos ulteriores chi si fagherent netzessàrios chi si fagherent netzessàrios cando si presentent bisòngios noos de programatzione.
- 3) de dare mandadu a su responsàbile de su servìtziu finantziàriu, acabadu s'iter de aprovatzione de su pranu presente, de predisponnere is documentos de bilantzu 2019/2021 in lìnìa cun su documentu presente e de frunire sa cobertura finantziària idònea;
- 4) de dispònnere chi su presente documentu programadore vàriet in manera cunsighente sa nota de aggiornamentu a su DUP 2019-2021, aprovada cun Deliberatzione de Cussìgiu Comunale n. 40 de su 27.12.2018;
- 5) de dispònnere sa publicatzione de sa deliberatzione presente in s'Albo pretòriu in lìnìa pro 15 dies de sighidu, in su giassu web istitutzionale de su Comunu in sa setzione "*Amministrazione Trasparente*" e puru sa trasmissione de sa matessi a su Cussìgiu comunale pro s'aprovatzione sua pro is artt. 172 e 174 de su D.Lgs. n. 267/2000.
- 6) de dare àutu chi, posca, a pustis de s'aprovatzione definitiva de is mudas, su programma triennale de is traballos pùblicos e is aggiornamentos relativos ant a èssere publicados in su profilu de su cummitente, in su giassu informàticu de su Ministeru de is Infrastruturas e de is trasportos e de s'Osservatòriu de is cuntratos pùblicos relativos a traballos, servìtzios e fruniduras de chi a s'art. 213, fintzas tràmite is sistemas informatizados de is regiones e de is provìntzias autònomas de chi a s'art. 29, comma 4, de su D.Lgs. n. 50/2016.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Ing. Gabriella Contu

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Su verbale benit sutascritu gasi

Su Sìndigu
F.du Dott. Davide Corrìga

Sa Segretària Comunale
F.du Dott.ssa Donatella Mancosu

ATESTADU DE PUBLICATZIONE

S'atestat chi còpia de sa deliberatzione est publicada in su situ istituzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 25/11/2019

Sa Segretària Comunale
F.du Dott.ssa Donatella Mancosu

Còpia cunforme a s'originale pro impreu amministrativu

Su 25/11/2019

Su Missu Notificatore
F.du Dott. Paolo Carta